

schwümmend allzeit sich recht / fressen kein Fleisch / auch kein ander Fisch / sonder allerley Käffer / Wucken / Fliegen / so oben auff schwümmend oder schwäbend / welchen sie nach schüssend vnd fressend / sie leichen Meyens Zeit / auch zur Zeit der rothen Kirsen / Ammirellen genant / werden an dem Anzel gefangen / mit Hewschrecken / Wucken / item mit Stücklin Dohsenhirne vnd Marek / werden auch mit Bären vnd von Hand gefangen / ist bey vns ein vnachtbarer Fisch / hat ein lind vnd gut Fleisch / ist doch nicht vnlieblich zu essen / sonderlich so er wohl erwachsen / besser gebraten als gesotten / auß grossen Flüssen vnd Wasseren / Gesünder / das auß Seen vnd Pfüzen / wirdt zu allen Zeiten gelodt / außgenommen den mitten im Sommer.

Wann man ihn sieden will / soll man ihn in kalten Wein legen / vnd wann er schier genug / den heissen Ancken darüber schütten.

Von dem Hasel.

Capito minor, squalus fluuiatilis, bey den Teütschen Schwall / wir heissen ihn Hasel / Gänger / Gänger vnd Ganghasel / dero seynd zweyerley / namlichen der Seehasel vnd Ruffhasel / welcher bey den Luginis oder Zugerer / Gänger vnd Ganghasel genant wirdt / er heisset auch Weysfisch / vnd vmb Strassburg Schnotfisch / item Weysfisch / in dem Comer vnd Langensee Letta, Aletta, Giauetta, Cephalo, zu Menlandt Arborelle, zu Lauwis Vairone. vnd meinet Gesn. er sey villeicht der jenig / welchen man zu Pauia Cabacello heisset. Hasel oder Hasle / daß teütsche Wort / hat das Anseh / als ob es ein Hasle / dvy vierfüessig Thierle bedüte / villeicht die weyl der Hasel / demselbigenn mit Geringsfertigkeit vnd Geswindigkeit des schwümmens / zu vergleichen / die Ganghasel / oder die so in Flüssen gefangen werden haben rothe Augen / aber die in Seen nicht.

Gesn. Die Haseln sindt iberall gleich dem Alet / an Gestalt vnd Farb / seynd beyde Fisch weislecht / auff dem Rucken schwarzgrün / die Flosssäderen auff dem Rucken vnd der Schwanz / blawlecht / die andern Fäcken rohlecht / die Augen deren so in Flüssen gefangen werden / sollen rohlecht seyn / leichen in mitten Aprillens / zu Lucern werden vnser schwalen Hasel genant / im Meyen vnd Aprillen / auch im Hewmonat vnd Brachmonat / seynd sie zimlich gut / vnd gesundt zuessen / zu